

曾

敏公詩集

伯氏黼剛先生往年嘗爲詠史四言詩數十百首紀游擬古友朋酬唱爲五言古詩三百餘首藏之篋衍闕不示人同治己巳孟夏奉先妣歐陽侯太夫人板輿發金陵就保定節署行次清河節母不戒於火篋之詩文雜草所著小學訓詁聲韻諸書稿本及手校子史如千部皆蕩爲煨燼獨近體數十首詩冊存紀鴻處得全兄爾後遂不甚作古詩嘗云古質而今妍妍則易成質者難好吾爲其易者聊以頤性自娛而已再毀棄之亦所不惜篇成漫不省記蓋散佚又不少矣余不甚爲詩而伯氏以爲可與言詩時時出手草相示余則錄而存之辛未以前經先太傅批閱圈識者鈔爲上卷壬申以後諸作附次焉兄閔博淵雅捷敏兼人故視近體爲易自余觀之飄逸絕俗則秉之天資精湛入古則由於績學殆非率爾操觚者所能躐而及也舊所失四五古詩宜爲甲乙丙丁今之編錄署爲戊集後此當廣續而輯之光緒丁丑孟冬曾紀鴻識

歸樸齋詩鈔目錄

戊集上卷

寄李眉生徐州

景桓樓題壁

不雨

七月七日喜雨

中秋寄李申夫

寄李眉生

壽九叔父威毅伯

送西妹歸郭氏呈錫仙丈二首

寄吳竹莊

題張鑄庵邑侯樹萱種竹圖小像

新居二首

從弟紀湘成昏卽席戲占二首

次韻郭伯琛丈由粵東假歸述懷留別詩四首

山居春日晨起二首

送從弟紀渠之鄂

清明

銅梁山

昭忠祠

苦雨歎三首

灰

東劉伯固

呈外舅劉霞仙先生

七月八日作

雨

懷人三首

丁卯仲秋送諸弟省城應鄉試虞黃氏宛園外舅劉霞仙先生撫蔡罷歸同宴園中約賓主各獻所能於是黃子壽與弟縱飲郭樛叟作草書霞丈與紀澤各賦詩也

侍霞仙丈池上夜話

題尹金陽蒼茫獨立圖

九日偕栗誠登鶴鳴山時余方病瘳瘡而弟下第

十月朔日咏桂

病中口號

上外王父歐陽福田先生外王母邱太宜人四首

次韻黃少崑重陽展重陽二首兼呈王逸梧楊朋海逸梧朋海既和少崑詩續賦三十餘篇皆用其韻至於十八疊而不休可謂勤矣舟次夜靜聊一効之往者友人語我文字自隋唐而下無復足觀既篤信其說於近體詩歌不甚措意朋儕投贈絕不屬和甚矣其惑也夫質文遷變繁簡異宜工拙之際不關形似何須親爲詰屈以示奇古強事纖靡自矜華富韓文杜詩其美者乃與六經同工何可忽也東坡山谷放翁諸公偉才逸趣亦自不可磨廢概從菲薄殆非篤論書余所悔以質同人詩意亦微及之

十月十五夜過洞庭

過武昌小住

火輪船

銀鑿赤

登樓

題陳杏生小像

贈五崧生

遊秦淮河次崧生登黃鶴樓詩韻

七月七日遊元武湖荷華尚多望日重至凋謝盡矣賦呈同遊諸君廉昉苦多睡前後遊皆不與并
以調之

東坡生日二首

吳竹莊方伯入京 陛見過保定小住紀澤 大人命考騰引見與竹莊偕行道呈二律

贈許仙屏 以所著說文重文本部攷示仙屏


登景州開福寺塔贈僧玉安

僧故軍官

九日喜張廉卿至

大人巡閱蘇滬紀澤未得隨侍作雙聲詩贈曹鏡初比部

送劉康侯南歸兼示伯固 讀外舅劉霞仙先生尺牘有感



歸樓齋詩鈔戊集上

湘鄉曾紀澤勛剛簪

寄李眉生徐州

我發彭城二月朔遷延不發與君期期君不至行相左茲會無緣後豈知離合真如盤永走歡愁等是陳駒馳何當更試君房墨爲寫寒山峭石詩

先太傅批云歡愁句佳

民隱軍儲萬緒夢江淮千里況塵氛風聲鶴唳時聞警雲起龍驤共策勳問作詩歌酬壯士怪無消息慰離羣懸知憑眺黃樓上不乏飛鴻向楚雲

先太傅批云有詞采

景桓樓題壁

小園紆曲繞山頭江岸風光一閣收戈馬十年猶浩劫尊鱸千里又清秋新菱惡竹千竿盡獨立高梧百尺道洞關北窗勤眺望白雲深處是中州

不雨

愁霖颯沓乾坤晦酷暑悵焚號令偏紅日十輪金躍冶丹霞千里火燒天更無疎雨隨風落坐看時花帶葉嬌聞道吾鄉上腴地常平石米六糴錢

七月七日喜雨

百道源泉廢不流大田無復翠盈囀九天宣詔誅炎燄四面同雲起臥蚪積熱釀成三寸雨新涼贏得二分秋怡情各有曾中事我與勞農兩醉謳

中秋寄李中夫

鶴樓粗復舊簷楹佳節無由對舉觥楓荻愁人秋氣老江湖異地月華明六朝烟水茫無際三變滄桑漢不驚煮酒待君君未至扁舟吾亦問歸程

寄李眉生

花梨書架紫檀牀福壽雙脩勝畫堂夫婿高華蘇玉局仙娥清婉杜蘭香頗聞吉語傳鴻雁可有新雛似鳳皇世事白雲蒼狗變養成英物貢天闕

壽九叔父威毅伯

衡嶽峨峨九面開扶輿靈氣鬱胚胎瑞霞明麗長相護壽骨嶙峋不可移伯仲東征崇五等丙丁南極對三台非關子姓私稱頌偉績仁聲已八垓長江東北大河南中有菴蒲久未截介壽金尊陳凱樂防秋鐵騎整歸驂福田暖有烟生玉氣海溫無雪上簪勳業日隆懷益澹湛然明月印千潭

先太傅批云二首工整

送四妹歸郭氏呈筠仙丈二首

夜半天東起瑞霞，笙簧環繞七香車。穿林戢戢竹初筍，照眼紛紛梅自花。室攬衆山來戶牖，田留數頃課桑麻。借斟卮酒酬吾妹，慶汝于歸積善家。

劉公兩鬢早成霜，德業與公誠雁行。縞紵幾家相許與，

關山萬里各行藏。鳴鳩乳燕春將及，風虎雲龍事未央。頤性林泉真早計，東山何以慰民望。

先太傅批云：次首情韻俱勝。

寄吳竹莊

丙寅仲冬歸家作

男兒三十解驚秋，鐘鼎山林兩未謀。炙轡雕龍留笑語，尻輪神馬得歸休。關心世事今滄海，屈指友生君白頭。江上往來舟似織，邀誰爛醉閱飄樓。

先太傅批云：藻采甚佳。

題張鑄庵邑侯樹萱種竹圖小像

契闊時多會合難，展圖一笑接餘歡。靈萱也應八千歲，新竹正宜三萬竿。偶簪黃冠披野服，曾憑赤手障狂瀾。玉皇香案當年吏，長嘯猶能集鳳鸞。

先太傅批云：尚無俗句，然題圖詩總宜少作。

新居二首

歸樓齋詩鈔

戊集上

朝遊塵市暮林泉，碧水紅塵都有緣。但得琴書常供養，不嫌車馬日喧闐。牀小睡清無夢拂，几凝思靜欲仙。會買竹秧三百本，春來爲種北窗前。

酸鹹嗜好誰能無？種菜養魚聊自娛。小築昌蒲舒鳳尾，脩莖粉籜長龍雛。室依空谷吟成響，池有流泉旱不枯。世變滄桑馳聖哲，天生邱壑置癡癡。

先太傅批云：曾稔灑落一氣卷舒。

從弟紀湘成婚卽席戲占二首

天際彤雲擁翠微，綠紅梅萼照裳衣。青鸞遠竄三星轉，絳蠟初明百兩歸。萬古豪情生瑋壘，羣英妙舌騁珠璣。莫吟柳絮因風句，且爲郎君一解圍。

先太傅批云：萬古句佳，對語不稱。

阿連淵默以詩鳴，銅鉢頻催句未成。關捷不辭三北罰，選詞時有二南聲。筵前螺盞傾桑落，天上蜺輪萬桂英。酒醉月明歌再發，爲君更奏白華笙。

先太傅批云：此首工穩。

次韻郭伯琛丈由粵東假歸述懷留別詩四首

獨運蟠霄十萬兵，建牙吹角五羊城。三年威惠孚殊俗，一代文章副盛名。南徼征塵頭早白，西風歸棹月初明。縱橫萬象渾無繫，卓犖觀書二尺檠。

古來勲業出清流，玉尺空橫是隱憂。自有羣賢稱楚寶，更

無速化似齊謳從知屠狗能爲將行見爛羊虛得侯此意公嘗三歎思長篇封入致書郵

卅年老友

鶴鳴陰蔡粵相望紫戟森有豎挂冠仍鞅蹇羨公投綬已山林頻年金鼓猶雷震

聖代恩波似海深近

日元侯謫開府何當俯順老臣心

一切成灰百萬家桑田東海尙無涯不聞青玉可爲案但見黃臺

方摘瓜幽谷三春廢伐木洞庭八月泛流槎鍵門三復廉頗傳懷古長歌白露漙

先太傅批云四首格老而氣昌

山居春日晨起二首

銅梁東嶺三千仞桃樹西岡千仞強陋室枕山殊不惡低田蓄水莫愁荒連林雨過耕欄綠小苑春深蛺蝶黃舍北老人無一事繞牆相與久徜徉

先太傅批云起句意趣奇拙頗似山谷

轡障周迴一徑幽平田百畝近先疇自饒野屋成天趣長與鄰農作勝遊密樹晨晴方噪雀小溪春漲劣容舟夷然詠嘯今忘我那復關心到九州

先太傅批云收句逸

送從弟紀渠之鄂

荆吳異地建高牙伯仲勳名四裔誇與爾簪纓承世族相期韋布守儒家長風子欲凌霄漢鮑鑑吾真愧

鑿林蕪市朝今異趣束身圭璧總無瑕

舉杯豪飲興方餘擊劍高歌樂未涯大地干戈長擾攘少

年芒角自杈桻神禽豈復甘籬落天馬終能奮渥洼我似閒雲時出岫逢君一醉釣魚槎

先太傅批云次首神頗俊

清明

和風有信隨花發細雨無聲帶霧霏約共弟兄脩禊去行逢鄰里埽墳歸山蟬夾道鳴相續白鷺滿田閑
不飛野草幽葩誰是主無人兀自鬪芳菲

銅梁山

連山壁立互銅梁屏障縈迴百里長隔樹羣峯排鳥翅插天巉道誦羊腸春深野草香無際泉近高田旱
不荒浩蕩晴空雲霧盡忽看衡嶽出蒼茫

昭忠祠

沙場征戰古來悲十載升沈一瞬時綸緯九重黃紙詔春秋二祀白門祠生無燕頤膺高爵死博龜趺
戴御碑屠狗建牙甯有等河山廟貌共雄奇

苦雨歎三首

六十年前丁卯歲禾苗旱死吁無遺每聞父老占農事常恐凶荒似昔時蒼昊降災甯有例愁霖經月亦

難支可憐舍北秧青處昨日化爲三頃陂

先太傅批云杜公播悶十二月一日寄常微君示獼奴峽中覽物呈吳郎立春等篇律詩之專以筋勝者黃魯直虞伯生每學之此亦略師其意然畫虎不成或恐類犬此種不宜多作陸公學杜多學其悲壯及閒適二種最得真詮

舍南淺井是真泉足溉山根十畝田似有蛟龍宣溼氣頗嫌蛙黽出庭前舉頭雲霧低如壓滿眼莓苔百不鮮苦憶城西吳訓導可堪鎮日長酣眠 中原困獸猶能鬪喪我雄兵千許人小隊未成鵲鷲陣將軍已遶水雷屯連年薪米同珠桂數道烽烟劇楚秦世事定知何日好鍵門一醉動兼旬

灰

三更絳蠟獨凝思九陌紅塵靜不知玉瑤陽回吹律日金鑪香炷換薰時却殘聊問東方朔心逸真同南郭墓底事儒生錢若水偏逢火飭畫微詞

先太傅批云似義山

東劉伯固

吾生羸弱似孩童世亂常思塞兩腮誰謂舍南纔百里昨來夜半刈三雄捷書到我神先王義膽如君衆所崇似有蟲沙未全淨追奔莫惜雪花驄 烽烟絡繹十餘載荆棘縱橫六百城昔定東南豺虎患端

寶山澤龍蛇兵賣刀買犢猶無賴祖臂刑牲相與盟正恐蕭牆變未已暫時高枕壓虛驚 劉甥勇決
吾能知爾雅妻之倉卒折衝人乃奇經術何曾在章句將門行復見旌麾中原桑海夏多變南楚英豪方

未涯笑我儒冠百無用歡狂一唱紀功詩

先太傅批次首云氣勢驅邁

呈外舅劉霞仙先生

超超摩鳳出蒼冥藉藉聲華徹 帝廷三峽新軍喧鼓角五年巍績誓丹青人間謗議南箕口天上輝光
北斗星春水白雲歸去好心閒久已忘鐘銘 洞庭春漲走蛟龍雨過蒲帆趁好風小艇近維楊柳岸

故園重見蘓蘭叢半生寵辱身何預七字詩歌暇益工我自狂吟漫無律深慚李漢侍韓公

七月八日作

昨宵瓜果供牽牛乍轉涼颿萬物秋夜靜偶聞鳴絡緯露寒先欲撼梧楸低田水過沙如雪對嶺風高稍
滿疇畝稅莫援豐歲例今年纔得七分收

雨

腐儒從事力田科晴雨關心入醉哦中伏時暘暄早稻初秋甘澤沛遲禾家承韋布貧無累更得蠲黃政
不苛卻晚韶專問天使京畿苦旱近如何

懷人三首

高士襟懷豪俠骨英奇自與人殊科雄軍百戰江淮海餘事兼長書畫歌壇塔風雷搖鐵馬頽垣荆棘露
銅駝酒酣觴景淚橫臆老有餘鋒曜太阿 大辯雄談駭天下江河一決數千言從知雋論難爲賞俯

視羣流益自尊曾任禮宮陳俎豆出參戎幕走乾坤十年嗜好消磨盡尙愛花驄屬錦韉

先太傅批云二首風格似黃山谷有稟姚飛動之氣故可喜

眼前吾見風流伯西蜀李侯誰比倫字尙側鋒能絕俗詩非險語却驚人冰壺朗照無藏影玉樹高標不
染塵聞道爲官苦羈束觥籌儻作舊時春

先太傅批云收句好

丁卯仲秋送諸弟省城應鄉試寓黃氏宛園外舅劉霞仙先生撫秦罷歸同宴園中約賓主各獻所
能於是黃子壽與弟縱飲郭棖叟作草書霞丈與紀澤各賦詩也

龍門千仞起潛蚪赤火烏雲擁迅流各奮鱗而騰紫極坐興風雨轉清秋紛繁無盡花經眼骀憐何堪屋
打頭送汝蓬壺吾去也一船烟水逐輕鷗 竹舞柳搖荷未殘宛園秋色已千端忽聞奇句嘯龍虎起

作草書翔鳳鸞得失豈慚籌筆驛乘除姑付算珠盤黃雲四野饒新秫且酌香醅一盡歡

先太傅批云二首頗得古人間適之趣

侍霞仙丈池上夜話

萬里塵沙一嘯空
摩天黃鶴謝樊籠
指揮泉水添新沼
檢點歌吟綴舊筇
宵影射眸花映月
秋聲盈耳竹生風
幾年旋斡乾坤事
付與時人代計功

先太傅批寶影一聯云佳句似放翁

題尹金陽蒼茫獨立圖

尹子丹青興化俱
衆生指下判榮枯
近當樗散亡聊日
自寫蒼茫獨立圖
大海波濤揭地起
高秋雲霧漫天鋪
舉頭四望渾無物
夢想人間顧與吳

先太傅批云傲岸不羣

九日偕栗誠登鶴鳴山時余方癘涇瘡而弟下第

好山蔥蒨日當門
峯嶂玲瓏草樹繁
秋雨重陽尋石窟
天風萬里盪雲根
固知阮藉工長嘯
豈有劉蕡悔直言
六鑿相忘千慮靜
不嫌斑駁起鱗痕

先太傅批云意興色澤俱近東坡

十月朔日詠桂

何年移種自瀛洲
慣閱風霜送晚秋
密葉當窗翠玉片
繁英照眼黃金毬
已令殘菊讓三徑
坐見老梅輸